

御定全唐詩錄

土岐文庫

文庫17

W65

16



金華縣志卷之三  
禮俗

金華縣志卷之三  
禮俗

010185189320

文庫 17  
W65  
16

昭和六十年二月一日贈  
土岐孝吉唐氏寄



御定全唐詩錄卷第四十三

禮部侍郎臣徐倬翰林院侍讀學士臣徐元正奉

旨校刊

顧况

况字逋翁蘇州海鹽人長於歌詩性好詼諧雖王  
公之貴亦戲侮之嘗為韓滉節度判官與柳渾李  
泌善渾輔政以校書徵及泌為相自謂當得達官  
稍遷著作郎悒悒不樂求歸坐詩語調謔貶饒州  
司戶參軍後隱居茅山以壽終  
皇甫湜撰集序略云吳中山泉氣狀英淑怪麗君  
翁輕清以為性結冷汰以為質煦鮮容以為詞偏

全唐詩錄卷第四十三 顧况

於逸歌長句駿發蹕厲徃徃若穿天心出月脅意  
外驚人語非尋常所能及最為快也况兼工小筆  
嘗求知新亭鹽監人詰之曰予要貌海中山耳解  
職後落筆果有奇趣

古體詩

築城 築城刺臨戎也寺人臨戎以墓磚為城壁  
築城登登于以作固咨爾寺兮發郊外塚墓死而無知  
猶或不可若其有知惟上帝是愬  
築城奕奕于以固敵咨爾寺兮發郊外冢甃死而無知  
猶或不可若其有知惟上帝是謫

囡

囡哀閩也

囡音塞閩俗呼子為囡呼父為郎罷按唐世閩  
兒多出閩中諸道買獻號為私白事見楊復恭傳

青箱雜記云唐世多取閩童為  
閩奴以進之故况陳其苦以諷焉

囡生閩方閩吏得之乃絕其陽為臧為獲致金滿屋為  
髡為鉗如視草木天道無知我罹其毒神道無知彼受  
其福郎罷別囡吾悔生汝及汝既生人勸不舉不從人  
言果獲是苦囡別郎罷心摧血下隔地絕天及至黃泉  
不得在郎罷前

採蠟

採蠟怨奢也荒巖之間有以續蒙其身腰

藤造險及有群蜂肆毒哀呼不應則上捨藤而

下沈之壑

採採者蠟於泉谷兮煌煌中堂烈華燭兮新歌善舞絃  
柱促兮荒巖之人自取其毒兮

擬古  
龍劍昔藏影送雄留其雌人生阻懽會神物亦別離碧  
樹感秋落佳人無還期夜琴爲君咽浮雲爲君滋愛而  
傷不見星漢徒參差

棄婦詞

古來有棄婦棄婦有歸處今日妾辭君遣妾何處去舊  
家零落盡慟哭來時路憶昔初嫁君聞君甚周旋綺羅  
錦繡段有贈黃金千十五許嫁君二十移所天結髮日  
未久離居緬山川家家盡歡樂賤妾空自憐幽閨多沉  
思盛事無十年相思若循環枕席生流泉流泉咽不噪  
獨夢關山道及此見君還君歸妾已老物華惡衰賤新

寵方妍好掩淚出故房傷心極秋草自妾爲君妻君東  
妾在西紅顏到曉恨玉貌一生啼妾有嫁時服輕雲淡  
翠霞瑠璃作斗帳四角金蓮花自從別離後不覺塵埃  
厚常嫌玳瑁孤獨恨梧桐偶玉顏逐霜霞賤妾何能守  
寒沼落芙蓉秋風散楊柳以此憔悴顏空將舊物還餘  
生欲有寄誰肯相牽攀君恩既斷絕相見何年月悔傾  
連理杯虛作同心結女蘿附青松貴在相依投浮萍共  
綠水教作若爲流不忿君棄妾自嘆妾緣薄憶昔初嫁  
君小姑纔倚床今日辭君去小姑如妾長回頭語小姑  
莫嫁如兄夫

華山西岡遊贈隱元叟

顧况

群峰鬱初霽潑黛若鬟沐天風鼓哈呀搖撼千灌木  
葉微隨黃石泉淨停綠危磴蘿薜牽迥步入幽谷我心  
寄青霞世事慚蒼鹿遂令巢許輩于焉謝塵俗想是悠  
悠雲可契去留躅

行路難

君不見古人燒水銀變作北邙山上塵藕絲掛在虛空  
中欲落不落愁殺人睢水英雄多血刃建章宮闕成灰  
燼淮王身死桂樹折徐福一去音書絕行路難行路難  
生死有命皆繇天秦王漢武遭不脫汝獨何人學神仙  
君不見擔雪塞井空用力炊沙作飯豈堪食一生肝膽  
向人盡相識不如不相識冬青樹上掛凌霄歲晏花凋

樹不凋凡物各自有根本種禾終不生荳苗行路難行  
路難不知何處是平道中心無事當富貴今日看君顏  
色好

君不見少年頭上如雲髮少壯如雲老如雪豈知灌頂  
有醍醐能使清涼頭不熱呂梁之水挂飛流鼃鼃蛟蜃  
不敢遊少年恃險若平地獨倚長劍凌清秋行路難行  
路難昔日少年今已老炫目春光不長好前朝竹帛事  
皆空日暮牛羊古城草

短歌行

有序

情思發動聖賢所不能免也師乙陳其宜延州  
審其音理亂之所經王化之所興也信無逃於

聲教豈徒文彩之麗遂作此歌

城邊路今人犁田昔人墓岬上沙昔時江水今人家今  
人昔人共長歎四氣相催節迴換明月皎皎入華池白  
雲離離度青漢我欲升天天隔霄我欲渡水水無橋我  
欲上山山路險我欲汲井井泉遙越人翠被今何夕獨  
立沙邊江草碧紫燕西飛欲寄書白雲何處蓬萊客  
新繫青絲百尺繩心在君家轆轤上我心皎潔君不知  
轆轤一轉一惆悵何處春風吹曉幕江南淥水通朱閣  
美人二八顏如花泣向春風畏花落臨春風聽春鳥別  
時多見時少愁人一夜不得眠瑶井玉繩相對曉  
軒轅黃帝初得仙鼎湖一去三千年周流三十六洞天

洞中日月星辰聯騎龍倒景遊八極軒轅弓劍無人識

東海青童寄消息

以上三首前二首才調集作悲歌分為二首後一首集本作攀龍引今參文苑文粹品彙紀事改正

公子行

輕薄兒面如玉紫陌春風纏馬足雙鞵懸金縷鶻飛長  
衫刺雪生犀束綠槐夾道陰初成珊瑚幾節敵紅星紅  
肌拂拂酒光凝當階背拉金吾行朝遊夔夔鼓聲發暮  
遊夔夔鼓聲絕入門不肯自升堂美人扶踏金階月

長安道

長安道人無衣馬無草何不歸來山中老

梁廣畫花歌

王母欲過劉徹家飛瓊夜入雲輶車紫書分付與青鳥

却向人間求好花上元夫人最小女頭面端正能言語  
手把梁生畫花看凝噉掩笑心相許心相許爲白阿孃  
從嫁與

烏啼曲

玉房掣鎖聲翻葉銀箭添泉霜遶堞畢逋撥刺日銜城  
八九雛飛其母驚此是天上老鴟鳴人間老鴟無此聲  
搖風雜佩耿華燭夜聽羽人彈此曲東方曈曈赤日旭  
嵇山道芬上人畫山水歌

鏡湖真僧白道芬不服朱審李將軍墨汁平鋪洞庭水  
筆頭點出蒼梧雲且看八月十五夜月下看山盡如画  
范山人畫山水歌

山崢嶸水澄泓漫漫汗汗一筆耕一草一木棲神明忽  
如空中有物物中有聲復如遠道望鄉客夢遶山川身  
不行

梁司馬畫馬歌

畫精神画筋骨一團旋風瞥滅没仰秣如上賀蘭山低  
頭欲飲長城窟此馬昂然獨此群阿爺是龍飛入雲黃  
沙枯磧無寸草一日行過千里道展處把筆欲描時司  
馬一駟賽傾倒

杜秀才畫立走水牛歌

崑崙兒騎白象時時鑠着獅子項奚奴跨馬不搭鞍立  
走水牛驚漢官江村小兒好誇騎脚踏牛頭上牛領淺



草平田擦過時大蟲着鈍幾落井杜生知我戀滄洲画  
作一障張床頭八十老婆拍手笑妬他織女嫁牽牛

李供奉彈箏篴歌

國府樂手彈箏篴赤黃條索金鎔頭早晨有勅鴛鴦殿  
夜靜逐歌明月樓起坐可憐能抱撮大指調絃中指撥  
腕頭花落舞製裂手下鳥驚飛撥刺珊瑚席一聲一聲  
鳴錫錫羅綺屏一絃一絃如撼鈴急彈好遲亦好宜遠  
聽宜近聽左手低右手舉易調移音天賜與大絃似秋  
鴈聯聯度隴關小絃似春燕喃喃向人語手頭疾腕頭  
軟來來去去如風卷聲清泠泠鳴索索垂珠碎玉空中  
落美女爭窺玳瑁簾聖人卷上真珠箔大絃長小絃短

小絃緊快大絃緩初調鏘鏘似鴛鴦水上弄新聲入深  
似太清僊鶴遊秘館李供奉儀容質身才稍稍六尺一  
在外不會輒教人內裏聲聲不遣出指剝蔥腕削玉饒  
鹽饒醬五味足弄調人間不識名彈盡天下崛奇曲番  
曲漢曲聲皆好彈着曲髓曲肝腦徃徃從空入戶來瞥  
瞥隨風落春草草頭只覺風吹入風來草即隨風立草  
亦不知風到來風亦不知聲緩急藝玉燭照銀燈光照  
手實可憎只照箏篴絃上手不照箏篴聲裏能馳鳳闕  
拜鸞殿天子一日一回見王侯將相五馬迎巧聲一日  
一回變實可重不惜千金買一弄銀器胡瓶馬上馱瑞  
錦輕羅滿車送此州好手非一國一國東西盡南北除

却天上化下來若向人間實難得

李湖州孺人彈箏歌

武帝當年留法曲淒清掩抑絃柱促上陽宮人怨青苔  
此夜想夫憐碧玉思婦高樓刺壁窺愁猿叫月鸚呼兒  
寸心十指有長短妙入神處無人知獨把梁州凡幾拍  
風沙對面胡秦隔聽中忘却前溪碧醉後猶疑邊草白

鄭女彈箏歌

鄭女八歲能彈箏春風吹落天上聲一聲雍門淚承睫  
兩聲赤鯉露鬢鬣三聲白猿臂拓頰鄭女出參丈人時  
落花若斷遊空絲高樓不掩許聲出羞殺百舌黃鶯兒

日晚歌

日窅窅兮下山望佳人兮不還花落兮屋上草生兮堦  
間日日兮春風芳菲兮欲歇老不可兮更少君胡為兮  
輕別

近體詩

閒居自述

榮辱不關身誰為疎與親有山堪結屋無地可容塵白  
髮偏添壽黃花不厭貧一樽朝暮醉陶令果何人

洛陽早春

何地避春愁終年憶舊遊一家千里外百舌五更頭客  
路偏逢雨鄉山不入樓故園桃李月伊水向東流

南歸

老病力難任猶多鏡雪侵鱸魚消宦况鷗鳥識歸心急  
兩江帆重殘更驛樹深鄉關殊可望漸漸入吳音

經廢寺

不知何世界有處似前朝石路無人掃松門被火燒斷  
幡猶挂剎故板尚撐橋數卷殘經在多年字欲銷

白蘋洲送客

莫信梅花發由來漫報春不才充野客扶病送朝臣闕  
下搖清珮洲邊採白蘋臨流不痛飲鷗鳥也欺人

春鳥詞送元秀才入京

春來繡羽齊暮向竹林棲禁苑啣花出河橋隔樹啼尋  
聲知去遠顧影念飛低別有無巢鷺猶窺幕上泥

樂府

暖谷春光至宸遊近甸榮雲隨天仗轉風入御簾輕翠  
蓋浮佳氣朱樓倚太清朝臣冠劍退宮女管絃迎細草  
承雕輦繁花入幔城文房開聖藻武衛宿天營玉醴隨  
觴至銅壺逐漏行五星舍土德萬姓徹中聲親祀先崇  
典躬推示勸耕國風新正樂農器近銷兵道德關河固  
刑章日月明野人同鳥獸率舞感昇平

寄江南鶴林寺石冰上人

山川重復重心地暗相逢忽憶秋江月如聞古寺鐘湖  
平南北岼雲抱兩三峰定力超香象真言攝毒龍風中  
何處鶴石上幾年松為報烟霞道人間共不容

送從兄使新羅

六氣銅渾轉三光玉律調  
河宮清奉賁海嶽晏來朝  
地絕提封入天平錫貢饒  
揚威輕破鹵柔服恥征遠  
曙色黃金關寒聲白鷺潮  
樓船非習戰驄馬是嘉招  
帝女飛啣石鮫人賣淚  
綃管寧雖不偶徐市儻相  
邀獨島懸空翠孤霞上  
沈寥蟾蜍同漢月蟬竦異  
秦橋水豹橫吹浪花鷹迥  
拂霄晨裝凌莽渺夜泊記  
招搖幾路通圓嶠何山是  
沃焦颶風晴汨起陰火暝  
潛燒鬚髮成新髻人參長  
舊苗扶桑啣日近析木帶  
津遙夢向愁中積魂當別  
處銷臨川思結網見彈欲  
求鴉共散羲和曆誰差甲  
子朝滄波仗忠信譯語辨  
謳謠疊鼓鯨鱗隱陰帆鷓  
首飄

南溟隨大翼西海飲文鯨  
指景尋靈草排雲聽洞簫  
封侯萬里外未肯後班超

送大理張卿

春色依依傷解攜  
月卿今夜泊隋堤  
白沙洲上江籬長  
綠樹村邊謝豹啼  
遷客此來無倚仗  
故人相去隔雲泥  
越禽惟有南枝分  
目送孤鴻飛向西

洛陽陌

鶯啼滿御堤  
柳拂絲齊  
風送名花落  
香紅襯馬蹄  
珂珮逐鳴騶  
王孫結伴遊  
金丸落飛鳥  
乘興醉青樓

夢後吟

醉中還有夢  
身外已無心  
明鏡唯知老  
青山何處深

江上

江清白鳥斜蕩漿罾蘋花聽唱菱歌晚迴塘月照沙

憶鄱陽舊遊

悠悠南國思夜向江南泊楚客斷腸時月明楓子落

歸山作

心事數莖白髮生涯一片青山空林有雪相待古道無人獨還

宮詞

長樂宮連上苑春玉樓金殿艷歌新君門一入無由出  
惟有宮鶯得見人

宮詞

禁柳煙中聞曉鳥風吹玉漏盡銅壺內官先向蓬萊殿

金合開香瀉御爐

玉階容衛宿千官風獵青旂曉仗寒侍女先來薦瓊蕊

露漿新下九霄盤

九重天樂降神仙步舞分行踏錦筵嘈噴一聲鐘鼓歇

萬人樓下拾金錢

山中

野人愛向山中宿况在葛洪丹井西庭前有個長松樹

夜半子規來上啼

橫山故居

家在雙峰蘭若邊一聲秋磬發孤烟山連極浦鳥飛盡

月上青林人未眠

臨海所居

此是昔年征戰處曾經永日絕人行千家寂寂對流水  
惟有汀洲春草生  
此去臨溪不是遙樓中望見赤城標不知疊嶂重霞裏  
更有何人度石橋

小孤山

古廟楓林江水邊寒鴉接飯鴈橫天大孤山遠小孤出  
月照洞庭歸客船

宿昭應

武帝祈靈太乙壇新豐樹色繞千官那知今夜長生殿

獨閉空山月影寒

洞庭秋日

青草湖邊日色低黃茅嶂裏鷓鴣啼丈夫飄泊今如此  
一曲狂歌楚水西

聽角思歸

故園黃葉滿青苔夢後城頭曉角哀此夜斷腸人不見  
起行殘月影徘徊

山僧蘭若

絕頂茅菴老此生寒雲孤木伴經行世人那得知幽徑  
遙向青峰禮磬聲

望簡寂觀

青嶂青溪直復斜白雞白犬到人家  
仙人住在最高處  
向晚春泉流白花

夜中望僊觀

日暮啣花飛鳥還月明溪上見青山  
遙知玉女牕前樹  
不是仙人不得攀

題葉道士山房

水邊楊柳赤欄橋洞裏神仙碧玉簫  
近得麻姑書信否  
潯陽江上不通潮

送李秀才入京

五湖秋葉滿行船八月靈槎欲上天  
君入長安予適越  
獨登秦望望秦川

聽劉安唱歌

子夜新聲何處傳悲翁更憶太平年  
即今法曲無人唱  
已逐霓裳飛上天

王郎中妓席

玉作搔頭金步搖高張苦調響連宵  
欲知寫盡相思夢  
度水尋雲不用橋

汗浥新粧画不成絲催急節舞衣輕  
落花遶樹疑無影  
回雪從風暗有情

秦聲楚調怨無窮隴水胡笳咽復通  
莫遣黃鶯花裏轉  
參差撥亂妬春風

和宮女題紅葉

愁見鶯啼柳絮飛上陽宮女斷腸時君恩不禁東流水  
葉上題詩寄與誰

戎昱

昱荆南人登進士第衛伯玉辟從事建中中為辰  
虔二州刺史

紀事云憲宗朝北狄頻寇邊大臣奏議古者和親  
有五利而無千金之費帝曰比聞有士子能為詩  
而姓名稍僻是誰宰相對以包子虛冷朝陽皆非  
也帝遂吟曰山上青松陌上塵雲泥豈合得相親  
世路盡嫌良馬瘦唯君不棄卧龍貧千金未必能  
移性一諾從來許殺身莫道書生無感激寸心還

是報恩人侍臣對曰此是戎昱詩也帝悅曰朕又  
記得詠史一篇云漢家青史內計拙是和親笑曰  
魏絳之功何其懦也大臣遂息和戎之論矣

古體詩

塞上曲

城上畫角哀即知兵心苦試問左右人無言淚如雨何  
意休明時終年事鼙鼓

從軍行

昔從李都尉雙鞬照馬蹄擒生黑山北殺敵黃雲西太  
白沉鹵地邊草復萋萋歸來邯鄲市百尺青樓梯感激  
重然諾平生膽力齊芳筵暮歌發艷粉輕鬟低半酣秋



風起鐵騎門前嘶遠戍報烽火孤城嚴鼓鼙揮鞭望塵  
去少婦莫含啼

中秋感懷

八月更漏長愁人起常早閉門寂無事滿院生秋草昨  
宵北窓夢夢入荆南道遠客歸去來在家貧亦好

晚次荆江

孤舟大江水水涉無昏曙雨暗迷津時雲生望鄉處漁  
翁閑自樂樵客紛多慮秋色湖上山歸心日邊樹徒稱  
竹箭美未得楓林趣向夕垂釣還吾從落潮去

湖南雪中留別

草草還草草湖東別離早何處愁殺人歸鞍雪中道出

門迷轍跡雲水白浩浩明日武陵西相思鬢堪老

客堂秋夕

隔窓螢影滅復流北風微雨虛堂秋蟲聲竟夜引鄉淚  
蟋蟀何知人自愁四時不得一日樂以此方知客遊惡  
寂寂江城無所聞梧桐葉上偏蕭索

聽杜山人彈胡笳

綠琴胡笳誰妙彈山人杜陵董庭蘭董君少與山人友  
山人別來今已久當時海內求知音囑付胡笳入君手  
杜陵工琴四十年琴聲在音不在弦座中爲我奏此曲  
滿堂蕭瑟如窮邊第一第二拍淚盡蛾眉沒蕃客更聞  
出塞入塞聲穹廬氊帳難爲情彌天雨雪四時下五月

不會芳草生須臾促軫變宮徵一聲悲兮一聲喜南看  
漢月雙眼明却顧胡雛寸心死回鶻數年收洛陽洛陽  
士女皆驅將豈無父母與兄弟聞此哀情皆斷腸杜陵  
先生證此道沈家祝家皆絕倒如今世上雅風哀若箇  
深知此聲好世上愛箏不愛琴誰明此調難知音今朝  
促軫為君奏不向俗流傳此心

近體詩

採蓮曲

雖聽採蓮曲詎識採蓮心漾檝愛花遠回船愁浪深煙  
生極浦色日落半江陰同侶憐波靜看粧隨玉簪

古意

女伴朝來說知君欲棄捐懶梳明鏡下羞到畫堂前有  
淚沾脂粉無情理管絃不知將巧笑更遣向誰憐

詠史

漢家青史上計拙是和親社稷依明主安危托婦人豈  
能將玉貌便擬靜胡塵地下千年骨誰為輔佐臣

閨春宴花溪嚴侍御莊

一團春翠色云是子陵家山帶新晴雨溪留閨月花瓶  
開巾漉酒地拆笋抽芽綵縵承顏服朝朝奏白華

桂州臘夜

坐到三更盡歸仍萬里賒雪聲偏傍竹寒夢不離家曉  
角分殘漏孤燈落碎花二年隨驃騎辛苦向天涯

送嚴十五之長安

送客身為客，思家愴到家。暫收雙眼淚，遙想五陵花。路遠征車迥，山迴劍閣斜。長安君到日，春色未應賒。

送張秀才之長沙

君向長沙去，長沙僕舊諳。雖云桂嶺北，終是洞庭南。山靄生朝雨，江烟作夕嵐。松醪能醉客，慎勿滯湘潭。

聞笛

一作李益詩

入夜思歸切，笛聲寒更哀。愁人不願聽，自到枕前來。風起塞雲斷，夜深關月開。平明獨惆悵，飛盡一庭梅。

江城秋霽

霽後江城風景涼，豈堪登眺只堪傷。遠天蟬竦收殘雨，

映水鷓鴣近夕陽。萬事無成空過日，十年多難未還鄉。不知何處銷茲恨，轉覺愁隨夜夜長。

採蓮曲

洛陽女兒花滿頭，氍毹同泛木蘭舟。秋風日暮南湖裏，爭唱菱歌不肯休。

塞上曲

漢將歸來朔塞空，旌旗初下玉關東。高蹄戰馬三千匹，落日平原秋艸中。

早春雪中

陰陰萬里晝漫漫，愁坐關心事幾般。為報春風休下雪，柳條初放不禁寒。

移家別湖上亭

好去春風湖上亭  
柳條藤蔓繫離情  
黃鸝久住渾相識  
欲別頻啼四五聲

征人歸鄉

三月江城柳絮飛  
五年遊客送人歸  
故將別淚和鄉淚  
今日闌干濕汝衣

出軍

龍繞旌竿獸滿旗  
翻營乍似雪山移  
中軍一隊三千騎  
盡是并州遊俠兒

旅次寄湖南張郎中

寒江近戶慢流聲  
竹影臨窓亂月明  
歸夢不知湖水濶

夜來還到洛陽城

寄許鍊師

埽石焚香禮碧空  
露華偏溼蕊珠宮  
如何說得天壇上  
萬里無雲月正中

送妓赴于公召

寶鈿香蛾翡翠裙  
粧成掩泣欲行雲  
殷勤好取襄王意  
莫向陽臺夢使君

雲溪友議云于頓鎮襄陽是為屬城守客有來自呈所  
言是妓善歌者頓遽命召之呈不得已遣行賦此什及  
至今唱歌妓唱此頓聞不安歎曰大丈夫豈有奪人所愛為己權娛者厚贈之  
歸手書謝呈太平廣記以召妓為韓滉又以前好去春風湖上亭為送妓詩

包何

何字幼嗣融之子與弟佶齊名世稱二包  
天寶七載登進士第大曆中為起居舍人

近體詩

送李侍君赴泉州

傷海皆荒服分符重漢臣  
雲山百越路市井十洲人  
執玉來朝遠還珠入貢頻  
連年不見雪到處即行春

送王文宰江陰

郡北乘流去花間竟日行  
海魚朝滿市江鳥夜喧城  
止酒非關病援琴不在聲  
應緣五斗米數日滯淵明

寄楊侍御

一官何幸得同時十載無媒獨見遺  
今日不論腰下組請君看取髻邊絲

包佶

佶字幼正天寶六載登進士第累官諫議大夫坐善元載貶嶺南劉晏奏起為汴東兩稅使晏罷以佶充諸道鹽鐵輕貨賤物使有名於時遷刑部侍郎改秘書監封丹陽郡公

近體詩

秋日過徐氏園林

回塘分越水古樹積吳煙  
掃竹催鋪席垂蘿待繫船  
鳥窺新罅粟龜上半欹蓮  
屢入忘歸地長嗟俗事牽

雙山逢信公所居

遙禮前朝塔微聞後夜鐘  
人間第四祖雲裏一雙峰  
積雪封苔逕多年亞石松  
傳心不傳法誰可繼高蹤

對酒贈故人

扶起離披菊霜輕喜重開醉中驚老去笑裏覺愁來月  
送人無盡風吹浪不迴感時將有寄詩思澁難裁

元日觀百僚朝會

萬國賀唐堯清晨會百僚花冠蕭相府繡服霍嫖姚壽  
色凝丹檻歡聲徹九霄御鑪分獸炭仙管弄雲韶日照  
金觴動風吹玉珮搖都城獻賦者不得共趨朝

酬于侍郎湖南見寄十四韻

桂嶺千崖斷湘流一派通長沙今賈傳東海舊于公章  
甫經殊俗離騷繼雅風金閨文作字玉匣氣成虹翰墨  
時招侶丹青夙在公主恩留左掖人望積南宮巧拙循

名異浮沉顧位同九遷歸上略三已愬愚衷責謝庭中  
吏悲寬塞上翁楚材欣有適燕石愧無功山曉重嵐外  
林春苦霧中雪花翻海鶴波影倒江楓去札頻逢信迴  
帆早挂空避賢方有日非敢愛微躬

奉和常閣老晚秋集賢院即事寄贈徐薛二侍郎

秘殿掖垣西書樓苑樹齊秋煙凝縹帙曉色上璇題門  
接承明近池連太液低疎鐘文馬駐繁葉綵禽棲職美  
綸將綉榮深組及珪九霄偏眷顧三事早提攜對案臨  
青玉窺書捧紫泥始歡新遇重還惜舊遊睽左宦登吳  
岫分家渡越溪賦中頻歎鵬卜處幾聽雞望闕應多戀  
臨津不用迷栢梁思和曲朝夕候金閨

送日本國聘賀使晁巨卿東歸

上才生下國東海是西隣九譯蕃君使千年聖主臣野  
情偏得禮木性本含仁錦帆乘風轉金裝照地新孤城  
開蜃閣曉日上車輪早識來朝歲塗山玉帛均

再過金陵

玉樹歌終王氣收雁行高送石城秋江山不管興亡事  
一任斜陽伴客愁

李嘉祐

嘉祐字從一趙州人天寶七年擢第授秘書正字  
後謫令鄱江調江陰又嘗入為中臺郎上元中出  
為台州刺史大曆中復為元州刺史嘉祐與嚴維

劉長卿冷朝陽諸人友善為詩麗婉有齊梁風

近體詩

奉陪韋潤州遊鶴林寺

野寺江城近雙旌五馬過禪心超忍辱梵語問多羅松  
竹閑僧老雲煙晚日和寒塘歸路轉清磬隔微波

春日淇上作

淇水春來漲鴛鴦逐浪飛清明桑葉小度雨杏花稀衛  
女紅粧薄王孫白馬肥相將踏青去不解惜羅衣

仲夏江陰官舍寄裴明府

萬室邊江次孤城對海安朝霞晴作雨濕氣晚生寒苔  
色侵衣桁潮痕上井欄題詩招茂宰思爾欲辭官

送上官侍御赴黔中

莫向黔中路令人到欲迷水聲巫峽裏山色夜郎西樹  
隔朝雲合猿窺曉月啼南方饒翠羽知爾飲清溪

送王牧往吉州謁王使君

細草綠汀洲王孫奈薄遊年華初冠帶文體舊弓裘野  
渡花爭發春塘水亂流使君憐小阮應念倚門愁

自蘇臺至望亭驛人家盡空春物增思悵然有作  
因寄從弟紆

南浦菰蔣覆白蘋東吳黎庶逐黃巾野棠自發空流水  
江燕初歸不見人遠樹依依如送客平田渺渺獨傷春  
那堪回首長洲苑烽火年年報塞塵

宋州東登望題武陵驛

梁宋人稀鳥自啼登艫一望倍含悽白骨半隨河水去  
黃雲猶傍郡城低平陂戰地花空落舊苑春田草未齊  
明主頻移虎符守幾時行縣向黔黎

暮春宜陽郡齋愁坐忽聞枉劉七侍御新詩因以

酬答

子規夜夜啼楸葉遠道逢春半是愁芳草伴人還易老  
落花隨水亦東流山臨睥睨恒多雨地接瀟湘畏及秋  
唯羨君為周柱史手持黃紙到滄洲

赴南巴留別褚七少府

種田南郭傍春陂萬緒無情把釣絲綠竹放侵行徑裏



青山常對捲簾時紛紛花落門空閉寂寂鶯啼日更遲  
從此別君千萬里白雲流水憶佳期

送朱中舍遊江東

孤城郭外送王孫越水吳洲共爾論野寺山邊斜有徑  
漁家竹裏半開門青楓獨映搖前浦白鷺閑飛過遠村  
若到西陵征戰處不堪秋草自傷魂

常袞

袞京兆人天寶末進士累官翰林學士中書舍人  
文章俊拔為當時推重代宗朝拜門下侍郎同平  
章事建中初罷為福建觀察閩人知學袞教之始  
也

近體詩

奉和聖製麟德殿燕百寮應制

雲闢御筵張山呼聖壽長玉闌豐瑞草金陛立神羊台  
鼎資庖膳天星奉酒漿蠻夷陪作位犀象舞成行網已  
祛三面歌因守四方千秋不可極花發滿宮香

晚秋集賢院即事寄徐薛二侍郎

穆穆上清居沈沈中秘書金鋪深內殿石甃淨寒渠花  
樹臺斜倚空煙閣半虛縹囊披錦繡翠軸卷瓊琚墨潤  
冰文繭香銷蠹字魚翻黃桐葉老吐白桂花初舊德雙  
遊處聯芳十載餘北朝榮庾薛西漢盛嚴徐侍講親華  
宸微吟步綺疏綴簾金翡翠賜硯玉蟾蜍序秩東南遠

離憂歲月除承明期重入江海意何如

御定全唐詩錄卷第四十三

御定全唐詩錄卷第四十四

禮部侍郎臣徐倬翰林院侍讀學士臣徐元正奉

旨校刊

竇叔向

叔向字遺直扶風人代宗時人與常袞善袞為相  
用為左拾遺內供奉及貶出為溧水令贈為工部  
尚書諸子常牟群庠鞏皆有詩名號五竇

近體詩

春日早朝應制

紫殿俯千官春松應合歡御爐香焰煖馳道玉聲寒乳  
燕翻珠綴祥鳥集露盤宮花一萬樹不敢舉頭看

全唐詩錄卷第四十四 竇叔向

全唐詩錄卷第四十五

于良史 李宣遠

過擔石湖

曉發漁門戍晴看擔石湖日銜高浪出天入四空無咫尺分洲島纖毫指舳艫渺然從此去誰念客帆孤

秋砧送包大夫

斷續長門夜清冷逆旅秋征夫應待信寒女不勝愁帶月飛城上因風散陌頭離居偏入聽况復送歸舟

貞懿皇后挽歌

後庭攀畫柳上陌咽清笳命婦羞蘋葉都人插柰花壽宮星月異仙路往來賒縱有迎神術終悲隔絳紗

晉史云成帝時三吳女子相與簪白花望之如素崇傳言天公織女死為之着服已而杜皇后崩其言遂驗

夏夜宿表兄話舊

夜合花開香滿庭夜深微雨醉初醒遠書珍重何曾達舊事淒涼不可聽去日兒童皆長大昔年親友半凋零明朝又是孤舟別愁見河橋酒幔青

酬李袁州嘉祐

少年輕會復輕離老大關心總是非強說前程聊自慰未知攜手定何時公才屈指登黃閣匪服胡顏上赤墀想到長安誦佳句滿朝誰不念瓊枝

實常

常字中行叔向長子大曆中王儲榜登第累官水部員外郎後遷國子祭酒父叔向有詩名五子皆

全唐詩話卷第四十四

實叔向實常

全唐詩話卷第四十五

于良史李宣遠

十三

工詞章為聯珠集五卷時取昆季若五星焉

近體詩

北固晚眺

水國芒種後梅天風雨涼露蠶開晚簇

釋圓至云露蠶謂露養於外自淮以西其俗皆

然每至晚晴連屋開箔望之如雪簇蠶箔也

江燕繞危檣山趾北來固潮頭西去長

年年此登眺人事幾銷亡

晚次方山精舍卻寄張薦負外

楚臆還無雪江春又足風馬羸三徑外人病四愁中西塞波濤潤南朝寺舍空猶銜步兵酒宿醉在滁東

途中立春寄懷楊郇伯

浪跡終年客驚心此地春風前獨去馬澤畔耦耕人老

大交情重悲涼物外親子雲今在宅應見柳條新

早春金鈞店寄奚十唐大二茂才

出門山未曙風葉暗蕭蕭月影臨荒柵泉聲近廢橋歲經秋後役程在洛中遙寄謝金門侶弓旌悞見招

之任武陵寒食日途次松滋渡先寄劉負外禹錫

杏花榆莢曉風前雲際離離上峽船江轉數程淹驛騎

楚會三戶少人烟看春又過清明節算老重經癸巳年

幸得桂山當郡舍在朝長詠卜居篇

桂山在武陵郡東十七里今德山縣

過宋氏五女舊居

宋氏女姊妹五人貞元中同入宮

謝庭風韻婕妤才天縱斯文去不回一宅柳花今似雪鄉人擬築望仙臺

寶年

牟字貽周貞元二年進士累佐節度府穆宗長慶中爲國子司業叔向次子

近體詩

望終南

日愛南山好時逢夏景殘白雲兼似雪清晝乍生寒九陌峯如墜千門翠可團欲知形勝盡都在紫宸看

元日喜聞大禮寄上翰林四學士中書六舍人二

十韻

有事郊壇畢無私日月臨歲華春更早天瑞雪猶深玉輦迴時令金門降德音翰飛鴛別侶藂植桂爲林粉澤

資鴻筆薰和本素琴禮成戎器下恩徹鬼方沉麟爵來稱紀官師退絕箴道風黃閣靜祥景紫垣陰壽酒朝時獻農書夜直尋國香熅翠幄庭燎艷紅衾漢魏文章盛堯湯雨露湛密辭投水石精義出砂金宸扆親惟敬鈞衡近匪侵疾驅千里駿清唳九霄禽慶賜迎新服齋莊棄舊簪忽思班女怨遙聽越人吟末路甘貧病流年苦滯淫夢中青瑣闥歸去碧山岑竊拊聞韶濩觀光想韎任大哉環海晏不竿子牟心

洛下閒居夜晴觀雪寄四遠諸兄弟

雪月相輝雲四開終風助凍不揚埃萬重瓊樹宮中接一直銀河天上來荆楚歲時知染翰湘湖醇酎憶啣杯

強題縑素無顏色紅鴈南飛早晚回

秋夕閒居對雨贈別盧七侍御坦

燕燕辭巢蟬蛻枝窮居積雨壞籬籬夜長簷溜寒無寢  
日晏厨煙濕未炊悟主一言那可學從軍五首竟徒為  
故人驄馬朝天使洛下秋聲恐要知

奉誠園聞笛

曾絕朱纓吐錦茵欲披荒草訪遺塵秋風忽灑西園淚

滿目山陽笛裏人

唐史馬燧之子暢以第中大杏餉實文場文場以進德  
宗德宗未嘗見怪之令中使封杏樹暢懼進宅為奉誠  
園雍錄云在安邑坊西暢自父死後屢為豪家邀取財產末年妻子凍餒無室無  
居德宗播越非馬燧幾亡不能恤其孤又奪其財業使之失所此故吏之所以傷也

竇群

群字丹列叔向第三子初以處士隱毗陵韋夏卿

薦之朝德宗擢為左拾遺代武元衡為中丞薦呂  
溫羊士諤為御史李吉甫以二人躁險持不下群  
怨吉甫伺吉甫陰事幾為憲宗所誅

古體詩

晨過昌師院

洞庭芳草濃曉井山泉溢林馥亂沉煙石潤侵徑室幽  
巘鳥飛靜晴嶺雲歸密壁蘚凝蒼華竹陰滿晴日生期  
半宵夢憂緒仍非一若無高世心安能此終畢

近體詩

初入諫司喜家室至

一旦悲歡見孟光十年辛苦伴滄浪不知筆硯緣封事

猶問傭書日幾行

竇庠

庠字胄卿叔向第四子舉進士韓臯出鎮武昌辟  
為幕府陟大理司直權岳州刺史

古體詩

金山行

潤州金山寺  
寺在江心

西江中濡波四截涌出一峰青帶堞外如削成中決裂  
陽氣發生陰氣結是時炎天五六月上有火雲下冰雪  
夜色晨光相蕩沃積翠流霞滿坑谷龍泓徹底沙布金  
鳥道插雲梯甃玉架險凌虛隨指顧棖栢玲瓏皆固護  
幹流倒景不可窺萬仞千崖生跬步日華曛曛上金榜

丹楹碧砌真珠網此時天海風浪清吳楚萬家皆在掌  
瓊樓茵閣紛明媚曲檻回軒深且邃海鳥夜上珊瑚枝  
江花曉落琉璃地有時倒影沉江底萬狀分明光似洗  
不知水上有樓臺却就波中看閉啟舟人忘却江水深  
水神誤到人間世歛然風生波出沒濯瀟晶熒無定物  
居人相顧非人間如到日宮經月窟信知靈境長有靈  
住者不得無仙骨三神山上蓬萊宮徒有丹青人未逢  
何如此處靈山宅清涼不與囂塵隔曾到金山處處行  
夢魂長羨金山客

近體詩

訓韓愈侍郎登岳陽樓見贈

時予權知  
岳州事

全唐詩錄卷第四百

竇庠

全唐詩錄卷第四百

于良史

李宣遠

十三

巨浸連空濶危樓在杳冥稍分巴子國欲近老人星昏  
旦呈新候川原按舊經地圖封七澤天限鑠重扃萬象  
皆歸掌三光豈遁形月車纔碾浪日御已翻溟落照金  
成柱餘霞翠擁屏夜光疑漢曲寒韻辨湘靈山曉雲常  
碧湖春草遍青軒黃曾舉樂范蠡幾揚舲有客初留鷁  
貪程尚數蓂自當徐孺榻不是謝公亭雅論氷生水雄  
材又發礪座中瓊玉潤名下蒞蘭馨假守誠知拙齋心  
匪暫寧每慙公府粟却憶故山苓苦調當三嘆知音願  
一聽自悲由也瑟敢墜孔悝銘野杏初成雪松膠正滿  
瓶莫辭今日醉長恨古人醒

陪留守韓僕射巡內至上陽宮感興

愁烟漠漠草離離太液鈎陳處處疑薄暮毀垣春雨裏  
殘花猶發萬年枝

竇鞏

鞏字友封叔向第五子雅淡與人言若不出口世  
號聶孺翁元稹爲武昌軍節度辟爲秘書少監兼  
御史中丞充節度副使

近體詩

老將吟

烽烟猶未盡年髩暗相催輕敵心空在彎弓手不開馬  
依秋草病柳傷故營摧唯有酬恩客時聽說劍來

早秋江行



回望湓城遠西風吹荻花暮潮江勢濶秋雨雁行斜多  
醉渾無夢頻愁欲到家漸驚雲樹轉數點是晨鴉

題任處士幽居

紅葉江村夕孤烟草舍貧水清魚識釣林靜犬隨人採  
掇山無主扶持藥有神客來惟勸酒蝴蝶是前身

贈蕭都官

蕭郎自小賢愛客不言錢有酒輕寒夜無愁倚少年閒  
尋織錦字醉上看花船好是關身事從人道性偏

江陵遇元九李六二侍御紀事書情呈十二韻

自見人相愛如君愛我稀好閒容問道攻短每言非夢  
想何曾間追歡未省違看花憐後到避酒許先歸柳寺

春隄遠津橋曙月微漁翁隨去處禪客共因依蓬閣初  
疑義霜臺晚畏威學深通古字心直觸危機肯滯荊州  
掾猶香柏署衣山連巫峽秀田傍渚宮肥美玉方齊價  
遷鶯尚怯飛佇看霄漢上連步侍彤闈

南陽道中作

東風雨洗順陽川蜀錦花開綠草田彩雉鬪時頻駐馬  
酒旗翻處亦留錢新晴日照山頭雪薄暮人爭渡口船  
早晚到家春欲盡今年寒食月初圓

哭呂衡州八郎中

今朝血淚問蒼蒼不分先悲旅館喪人送劍來歸壠上  
雁飛書去叫衡陽還家路遠兒童小埋玉泉深晝夜長

望盡素車秋草外欲將身贖返魂香

自京將赴黔南

風雨荊州二月天問人初雇峽中船西南一望雲和水  
猶道黔南有四千

南遊感興

傷心欲問前朝事惟見江流去不回日暮東風春草綠  
鷓鴣飛上越王臺

宮人斜

離宮路遶北原斜生死恩深不到家雲雨今歸何處去  
黃鸝飛上野棠花

代鄰叟

年來七十罷耕桑就暖支羸強下牀滿眼兒孫身外事  
閒梳白髮對殘陽

襄陽寒食寄宇文籍

烟水初消見萬家東風吹柳萬條斜大隄欲上誰相伴  
馬踏春泥半是花

寄南遊弟兄

書來未報幾時還知在三湘五嶺間獨立衡門秋水潤  
寒鴉飛去日啣山

放魚

武昌作

金錢贖得免刀痕聞道禽魚亦感恩好去長江千萬里  
不須辛苦上龍門

悼妓東東

芳菲美艷不禁風未到春殘已墜紅惟有側輪車上鐸  
耳邊長似叫東東

暢當

當河東人初以子弟被召從軍後登大曆七年進  
士第貞元初爲太常博士終果州刺史與弟諸皆  
有詩名據盧綸還往詩嘗辟山南幕又爲參軍  
計敏夫云當詩平淡多佳句如水定鶴翻去松欹  
峰儼如遲暉耿不暮平江寂無聲湖畔聞漁唱天  
邊數雁行陽崖全帶日寬嶂偶通耕皆有遠意

近體詩

軍中醉歌寄沈八劉叟

酒渴愛江清餘酣漱晚汀軟莎欹坐穩冷石醉眠醒野  
膳隨行帳華音發從伶數杯君不見都已遣沉冥

山居奉酬韋蘇州見寄

孤茅泄煙處此中山叟居親雲寧有事耽酒詎知餘水  
定鶴翻去松欹峰儼如猶煩使君問更欲結環廬

天柱隱所重答韋江州

寂寞一悵望秋風山景清此中惟草色翻意見人行荒  
徑饒松子深蘿絕鳥聲陽崖全帶日寬嶂偶通耕拙昧  
難容世貧窮別有情煩君瓊玖贈幽懶百無成

登鶴鵲樓

迫臨飛鳥上高出世塵間天勢圍平野河流入斷山  
暢諸

諸暢當之弟

近體詩

早春

獻歲春猶淺園林未盡開雪和新雨落風帶舊寒來聽  
鳥聞歸雁看花識早梅生涯知幾日更被一年催

朱灣

灣字巨川西蜀人自號滄州子貞元元和間為李  
勉永平從事

灣嘗干湖州崔使君侃不遇獻書云灣自假道路

問津主人一身孤雲兩度圓月凡再請職事三趨  
戟門信知庭之與堂不啻千里寄食漂母夜眠漁  
舟龍門轉深玉粟轉貴屬谿上風便囊中金貧望  
甘棠而歎自引分而退也

高仲武云朱灣率履貞素放情江湖郡國交辟潛  
耀不起有唐高人也詩體幽遠興用宏深因詞寫  
意窮理盡性於詠物尤工如受氣何曾異開花獨  
自遲所謂哀而不傷國風之深者也

古體詩

寒城晚角

高臺高高畫角雄五更初發寒城中寒城北臨大河水

淇門賊烽隔岍是 關風送過黎陽川我軍氣雄賊心死  
羈人此夜寐不成 萬里邊情枕上生乍似隴頭戍寒泉  
幽咽流不住又如巴江頭啼猿帶雨斷續愁忽憶嫫姚  
北征伐空山宿兵寒對月一聲老將去三奏行人發冀  
馬為之嘶朔雲為之結二十年來天下兵到處不會無  
此聲洛陽陌長安路角聲朝朝兼暮暮平居聞之尚難  
度何況天山征戍兒雲中下營雪裏吹

壁畫古松

石上盤古根謂言天生朽安知草木性變在画師手陰  
深方丈間真趣幽且閒木文離披勢搓粹中裂空心火  
燒出掃成三寸五寸枝便作千年萬年物莓苔濃淡意

不同一半死皮藏蠹蟲風霜未必來到此氣色杳似寒  
山中孤標可翫不可取能使支公道場古

近體詩

賦得白鳥翔翠微送陳偃下第歸

不知鷗與鶴天畔弄晴暉背日分明見臨川相映微淨  
中雲一點迥處雪孤飛正好高枝立翩翩何所歸

九日登青山

昔人惆悵地繫馬又登臨舊處煙霞在多時草木深水  
將空合色雲共我無心想見龍山會良辰亦似今

秋夜宴王郎中宅賦得露中菊

衆芳春競發寒菊露偏滋受氣何曾異開花獨自遲晚

成猶有分欲採未過時忍棄東籬下看隨秋草衰

逼寒節寄崔七

閒庭只是長莓苔三徑曾無車馬來旅館尚愁寒食火  
羈心懶向不燃灰門前下客雖彈鋏溪畔窮魚且曝腮  
他日趨庭應問禮須言陋巷有顏回

尋隱者韋九於東溪草堂

尋得仙源訪隱淪漸來深處漸無塵初行竹裏唯通馬  
直到花間始見人四面雲山誰作主數家煙火自爲隣  
路傍樵客何須問朝市如今不是秦

過宣上人湖上蘭若

十年湖上結幽期偏向東林遇遠師未道姓名童子識

不酬言語上人知閑花落地滋苔徑細雨和煙着柳枝  
問我別來何所得解將無事當無爲

于鵠

鵠大曆貞元間詩人也隱居漢陽嘗爲諸府從事  
徐獻忠云鵠習隱多高人之意故其詩能有景象  
山中訪道諸大篇遂與松檜同幽雲霞混迹不疑  
世外人作也

古體詩

過凌霄洞天謁張先生祠

戢戢亂峰裏一峰獨凌天下看如尖高上有十里泉至  
人愛幽深一住五十年懸壺到其上乘春耕藥田衣食

不下求乃是雲中仙山僧獨知處相引衝碧烟斷崖晝  
昏黑槎枿橫雙椽面壁攀石稜養力方敢前累歇日已  
沒始到茅堂邊見客不問誰禮質無周旋醉卧枕敬樹  
坐寒展青氈折松掃藜牀秋菓顏色鮮白犬舐客衣驚  
走聞腥羶乃知軒冕徒寧比雲壑眠

入白芝溪尋黃尊師

觸煙入溪口岸岬唯檉櫟其中盡碧流十里不通屐出  
林山始轉絕徑緣峭壁把藤借行勢側足憑石脉頗牙  
斷行處光滑猿猱跡忽然風景異乃到神仙宅天晴茹  
屋頭殘雪蒸氣白隔窓梳髮聲久立聞吹幘抱琴出門  
來不顧人間客山院不灑掃四時自虛寂落葉埋長松

出地纔數尺曾讀上清經知注長生籍願示不死方何  
山有瓊液

寄盧儼負外秋衣詞

寄遠空以心心誠亦難知篋中有秋帛裁作遠客衣縫  
製雖女工尺度手自持容貌常目中長短不復疑斜縫  
密且堅遊客多塵縑意欲都無言澣濯耐歲時殷勤託  
行人傳語慎勿遺別來年已老亦聞鬢成絲縱然更相  
逢握手唯是悲所寄莫復棄願見長相思

近體詩

山中自述

三十無名客空山獨卧秋病多知藥性年長信人愁螢

影竹窓下松聲茅屋頭近來心更靜不夢世間游

春山居

獨來多任性惟與白雲期深處花開盡遲眠人不知水流山暗處風起月明時望見南峰近年年嬾更移

尋李逸人舊居

舊隱松林下衝泉入兩涯琴書隨弟子雞犬在隣家茅屋長黃菌槿籬生白花幽墳無處訪恐是入煙霞

尋李暹

任性常多出人來得見稀市樓逢酒住野寺送僧歸簷下懸秋葉籬頭曬褐衣門前南北路誰肯入柴扉

題隣居

僻巷隣家少茅簷喜並居蒸梨常共竈澆薤亦同渠傳辰朝尋藥分燈夜讀書雖然在城市還得似樵漁

山中寄韋鉦

嬾成身病日因醉卧多時送客出谿少讀書終卷遲幽窓聞墜葉晴景見遊絲早晚來收藥門前有紫芝

送韋判官歸薊門

桑乾歸路遠聞說亦愁人有雪常經夏無花空到春下營雲外火收馬月中塵白首從戎客青衫未離身

山中寄樊尚書

却憶東溪日同袍是魯儒僧房閑共宿酒肆醉相扶江上雙旌貴山中病客孤無媒還有計春谷種桑榆



送客遊塞

若到并州北誰人不憶家塞深無去伴路盡有平沙磧  
冷唯逢鴈天春不見花莫隨邊將意垂老事輕車

公子行

少年初拜大長秋半醉垂鞭見列侯馬上抱雞三市鬪  
袖中攜劍五陵遊玉簫金管迎歸院錦袖紅粧擁上樓  
更向苑西新買宅月陂春水入門流

送宮人入道

十五吹簫入漢宮看修水殿種芙蓉自傷白髮辭金屋  
許着黃冠向雪峰解語老猿開曉戶學飛雛鶴落高松  
定知別後宮中伴遙聽緱山半夜鐘

江南曲

偶向江邊採白蘋還隨女伴賽江神衆中不敢分明語  
暗擲金錢卜遠人

巴女謠

巴女騎牛唱竹枝藕絲菱葉傍江時不愁日暮還家錯  
記得芭蕉出槿籬

襄陽席上

老大看花長不足沿江尋得一枝紅黃昏人散東風起  
吹落誰家明月中

題美人

秦女窺人不解羞攀花趁蝶出牆頭  
眉前空帶宜男艸

嫁得蕭郎愛遠游

朱放

放字長通襄州人隱於越之剡溪召為拾遺不就

近體詩

山中聽子規

幽人自愛山中宿又近葛洪丹井西窓中有箇長松樹  
半夜子規來上啼

戴叔倫

叔倫字幼公潤州金壇人師事蕭穎士為門人冠  
劉晏掌鹽鐵表主管湖南歷撫州刺史容管經略  
使所至治行稱最德宗嘗賦中和節詩遣使者寵

賜世以為榮

高仲武云叔倫為人溫雅善舉止無賢不肖見皆  
盡心詩體雖不中越格然解字經山火公田沒海  
潮亦指事造形之工者其骨氣稍輕故詩亦少

晁公武曰叔倫唐史不稱其能詩正以時人少其  
綿弱耳

古體詩

感懷

尺帛無長裁淺水無長流水淺易成枯帛短誰人收人  
生取舍間趨競固非優舊交跡雖疎中心自云稠新交  
意雖密中道生怨尤踟躕復踟躕世路今悠悠

南野

治田長山下引流坦溪曲東山有遺塋南野起新築家  
世素業儒子孫鄙食祿披雲朝出畊帶月夜歸讀身勤  
竟忘疲團團欣在目野芳綠可採泉美清可掬茂樹延  
晚涼早田候秋熟茶烹松火紅酒吸荷杯綠解佩臨清  
池撫栗看修竹此懷誰與同此樂吾所獨

女耕田行

乳鷺入巢筭成竹誰家二女種新穀無人無牛不及犁  
持刀斫地翻作泥自言家貧母年老長兄從軍未娶嫂  
去年灾疫牛固空截絹買刀都市中頭巾掩面畏人識  
以刀代牛誰與同姊妹相攜心正苦不見路人唯見土

疏通畦壟防亂苗整頓溝塍待時雨日正南岡下餉歸  
可憐朝雉擾驚飛東隣西舍花發盡共惜餘芳淚滿衣

白苧詞

館娃宮中露華冷月落啼鴉散金井吳王扶頭酒初醒  
秉燭張筵樂清景美人不眠憐夜永起舞亭亭亂花影  
新裁白苧勝紅綃玉佩珠纓金步搖回鸞轉鳳意自嬌  
銀箏錦瑟聲相調君恩如水流不斷但願年年同此宵  
東風吹花落庭樹春色催人等閒去大家為歡莫延佇  
頃刻銅龍報天曙

邊城曲

人生莫作遠行客遠行莫戍黃沙磧黃沙磧下八月時

霜風裂膚百草衰塵沙晴天迷道路河水悠悠向東去  
胡笳聽徹雙淚流羈魂慘慘生邊愁原頭獵火夜相向  
馬蹄蹴蹋層冰上不似京華俠少年清歌妙舞落花前

屯田詞

春來耕田遍沙磧老稚欣欣種禾麥麥苗漸長天苦晴  
土乾确确鉏不得新禾未熟飛蝗生青苗食盡餘枯莖  
捕蝗歸來守空屋囊無寸帛餅無粟十月移屯來向城  
官教去伐南山木驅牛駕車入山去霜重草枯牛凍死  
艱辛歷盡誰得知望斷天南淚如雨

早春曲

青樓昨夜東風轉錦帳凝寒覺春淺垂楊搖絲鶯亂啼

裊裊烟光不堪剪博山吹雲龍腦香銅壺滴愁更漏長  
玉頰啼紅夢初醒羞見青鸞鏡中影儂家少年愛遊逸  
萬里輪蹄去無跡朱顏未衰消息稀腸斷天涯草空碧

相思曲

高樓重重閉明月腸斷先年隔山別紫簫橫笛寂無聲  
獨向瑤窓坐愁絕魚沉雁杳天涯路始信人間別離苦  
恨滿牙床翡翠衾怨折金釵鳳凰股井深轆轤嗟綆短  
衣帶相思日應緩將刀斫水水復連揮刃割情情不斷  
落紅亂逐東流水一點芳心爲君死妾身願作巫山雲  
飛入仙郎夢魂裏

懷素上人草書歌

全唐詩集卷第百五

戴叔倫

七

楚僧懷素工草書古法盡能新有餘神清骨竦意真率  
醉來爲我揮健筆始從破體變風姿一一花開春景遲  
忽爲壯麗就枯澁龍蛇騰盤獸屹立馳毫聚墨劇奔灑  
滿座失聲看不及心手相師勢轉奇詭形恠狀翻合宜  
人人細問此中妙懷素自言初不知

近體詩

除夜宿石頭驛

旅館誰相問寒燈獨可親一年將盡夜萬里未歸人寥  
落悲前事支離笑此身愁顏與衰髻明日又逢春

汝南逢董校書

擾擾倦行役相逢陳蔡間如何百年內不見一人閒對

酒惜餘景問程愁亂山秋風萬里道又度穆陵關

早行寄朱放

山曉旅人去天高秋氣悲明河川上沒芳草露中哀此  
別又千里少年能幾時心知剡溪路聊且寄前期

潘處士宅會別

相邀寒影晚惜別故山空鄰里疎林在池塘野水通十  
年多難後一醉幾人同復此悲行子蕭蕭逐遠蓬

灞岸別友

車馬去遲遲離言未盡時看花一醉別會面幾年期樵  
路商山館漁洲楚帝祠南登回首處猶得望京師

送謝夷甫宰鄖縣

君去方爲縣干戈尚未銷邑中殘老小亂後少官僚解  
宇經山火公田沒海潮到時應變俗新政滿餘姚

山居即事

巖雲掩竹扉去鳥帶餘暉地僻生涯薄山深俗事稀養  
花分宿雨剪葉補秋衣野渡逢漁子同舟蕩月歸

卧病

門掩青山卧莓苔積雨深病多知藥性客久見人心衆  
鳥趨林健孤蟬抱葉吟滄洲詩社散無夢盍朋簪

晚望

山氣碧氤氳深林帶夕曛人歸孤嶂晚犬吠隔溪雲杉  
竹何年種煙塵此地分桃源寧異此猶恐世間聞

山行

山行分曙色一路見人稀野鳥啼還歇林花隨不飛雲  
迷棲鶴寺水澁釣魚磯回首天將暝逢僧話未歸

泛舟

風軟扁舟穩行依綠水堤孤樽秋露滑短棹晚烟迷夜  
靜月初上江空天更低飄飄信流去悞過子猷溪

客中言懷

白髮照烏紗逢人只自嗟官閒如致仕客久似無家夜  
雨孤燈夢春風幾度花故園歸有日詩酒老生涯

江干

江干望不極樓閣影繽紛水氣多爲雨人煙遠是雲予

生何濩落客路轉辛勤楊柳牽愁思和春上翠裙

春日訪山人

遠訪山中客分泉謾煮茶相攜林下坐共惜髻邊華歸  
路逢殘雨沿溪見落花候門童子問遊樂到誰家

江上別張歡

年年五湖上厭見五湖春長醉非關酒多愁不為貧山  
川迷道路伊洛暗風塵今日扁舟別俱為滄海人

客舍與故人偶集

天秋月又滿城闕夜千重還作江南會翻疑夢裏逢風  
枝驚暗鵲露草覆寒蛩羈旅長堪醉相留畏曉鐘

送友人東歸

萬里楊柳色出關逢故人輕煙拂流水落日照行塵積  
夢江湖濶憶家兄弟貧徘徊灞亭上不語自傷春

和汴州李相公勉人日喜春

年來日日春光好今日春光好更新獨獻菜羹憐應節  
遍傳金勝喜逢人煙添柳色看猶淺烏踏梅花落已頻  
東閣此時聞一曲翻令和者不勝春

宮詞

紫禁迢迢宮漏鳴夜深無語獨含情春風鸞鏡愁中影  
明月羊車夢裏聲塵暗玉堦綦跡斷香飄金屋篆煙清  
貞心一任蛾眉妬買賦何須問馬卿

過賈誼舊居

楚鄉卑濕歎殊方  
鵬賦人非宅已荒  
謾有長書憂漢室  
空將哀些弔沅湘  
雨餘古井生秋草  
葉盡疎林見夕陽  
過客不須頻太息  
咸陽宮殿亦淒涼

閨怨

看花無語淚如傾  
多少春風怨別情  
不識玉門關外路  
夢中昨夜到邊城

題友人山居

四郭青山處處同  
客懷無計答秋風  
數家茅屋清溪上  
千樹蟬聲落日中

夜發烏江作

半夜回舟入楚鄉  
月明山色共蒼蒼  
孤猿更叫秋風裏

不是愁人也斷腸

湘南即事

盧橘花開楓葉哀  
出門何處望京師  
沅湘日夜東流去  
不為愁人住少時

釋圓至云身不得去故怨水之去所以深傷已不能去  
蓋叔倫事曹王於湖湘故有是作秦少游謫郴州有詞  
云郴江幸自遠郴山為誰  
流下瀟湘去正用此意

蘇溪亭

蘇溪亭上草漫漫  
誰倚東風十二闌  
燕子不歸春事晚  
一汀晚雨杏花寒

別張負外

木葉紛紛湘水濱  
此中何事往頻頻  
臨風自笑歸時晚  
更送浮雲逐故人

蘇溪亭蘇溪亭第四古  
戴叔倫  
于良史  
李宜遠



送呂少府

共醉流芳獨歸去故園高士日相親  
深山古路無楊柳折取桐花寄遠人

御定全唐詩錄卷第四十四

*[Faint bleed-through text from the reverse side of the page]*

御定全唐詩錄卷第四十五

禮部侍郎臣徐倬翰林院侍讀學士臣徐元正奉

旨校刊

李益

益字君虞姑臧人肅宗朝宰相揆之族子登進士  
第長於歌詩貞元末與宗人李賀齊名每作一篇  
為教坊樂人以賂求取唱為供奉歌辭其征人歌  
早行等篇好事者盡為屏障迴樂峰前沙似雪受  
降城外月如霜之句天下以為歌辭然少有癡病  
而多猜忌防閑妻妾過為苛酷而有散灰扃戶之  
譚聞於時故時謂妒癡為李益疾以是久之不調

而流輩皆居顯位益不得意北游河朔幽州劉濟  
辟為從事常與濟詩而有不上望京樓之句憲宗  
雅聞其名自河北召還用為秘書少監集賢殿學  
士自負才地多所凌忽為眾不容諫官因暴其在  
濟幕詩有怨望語降居散秩俄復用為秘書監遷  
太子賓客集賢學士判院事轉右散騎常侍太和  
初以禮部尚書致仕

益從軍詩自序曰君虞長始八歲燕戎作亂出身  
年二十三受末秩從事十八載五在兵間故其為  
文咸多軍旅之思自建中初故府司空巡行朔野  
迨貞元初又忝今尚書之命從此出上郡五原四

五年荏苒從役其中雖流落南北亦多在軍戎凡  
所作邊塞諸文皆書奏餘事同時幕府選辟多出  
詞人或因軍中酒酣或時塞上兵寢相與投劍秉  
筆散懷於斯文率皆出於慷慨意氣武毅獷厲本  
其涼國則世將之後乃西州之遺民歟亦其坎壈  
當世發之所致也時左補闕盧景亮見知於文者  
令予輯錄遂成五十首贈之今綴各體後

古體詩

游子吟

女羞夫壻薄客恥主人賤遭遇同眾流低徊媿相見君  
非青銅鏡何事空照面莫以衣上塵不謂心如練人生

當榮盛待士勿言倦君看白日馳何異弦上箭

雜曲

妾本蠶家女不識貴門儀  
藁砧持玉斧交結五陵兒  
十日或一見九日在路岐  
人生此夫婿富貴欲何爲  
楊柳徒可折南山不可移  
婦人貴結髮寧有再嫁資  
嫁女莫望高女心願所宜寧  
從賤相守不願貴相離  
藍葉鬱重重藍花若榴色  
少女歸少年光華自相得  
誰言配君子以奉百年身  
有義即夫婿無義還他人  
愛如寒爐火棄若秋風扇  
山嶽起面前相看不相見  
丈夫非小兒何用強相知  
不見朝生菌易成還易衰  
征客欲臨路居人還出門  
北風河梁上四野愁雲繁  
豈不戀我家夫婿多感

恩前程有日月勳績在河源  
少婦馬前立請君聽一言  
春至草亦生誰能無別情  
殷勤展心素見新莫忘故  
遙望孟門山殷勤報君子  
既爲隨陽雁勿學西流水  
嘗聞生別離悲莫悲於此  
同器不同榮堂下即千里  
與君貧賤交何異萍上水  
託身天使然同生復同死

罷秩後入華山採茯苓逢道者

委綬來名山觀竒恣所停  
山中若有聞言此不死  
庭遂逢五老人一謂西嶽靈  
或聞樵人語飛去入昴星  
授我出雲路蒼然凌石屏  
視之有文字乃古黃庭經  
左右長松列動搖風露零  
上蟠千年枝陰虬負青冥  
下結九秋霰流膏爲茯苓  
取之砂石間異若龜鶴形  
况聞秦宮女

華髮變已青有如上帝心與我千萬齡始疑有仙骨鍊  
魂可永寧何事逐豪遊飲啄以羶腥神物亦自閱風雷  
護此扃欲傳山中寶回策忽已暝乃悲世上人求醒終  
不醒

從軍有苦樂行

時從司空冀  
公北征作

勞者且莫歌我歌送君觴從軍有苦樂此曲樂未央僕  
居在隴上隴水斷人腸東過秦宮路宮樹入咸陽時逢  
漢帝出諫獵至長楊詎馳遊俠窟非結少年場一旦承  
嘉惠輕身重恩光秉筆參帷帟從軍至朔方邊地多陰  
風草木自淒涼斷絕海雲去出沒胡沙長參差引雁翼  
隱麟騰軍裝劍文夜如水馬汗凍成霜使氣五都少矜  
功六郡良山河起目前睚眦死路傍北逐驅種落西臨  
復舊疆昔還鈔餘資今出乃贏糧一矢弋夏服我弓不  
再張寄語丈夫雄苦樂身自當

來從竇車騎

東髮逢世屯懷恩抱明義讀書良不武學劍慙非智遂  
別魯諸生來從竇車騎追兵起邊急絡馬黃金轡出入  
燕南陲由來重意氣自經臯蘭戰入破樓煩地西北護  
三邊東南留一尉時過如雲雨參差不自意將軍失恩  
澤萬事從此異置酒高臺上薄暮秋風起長戟與我歸  
歸來同棄置自酌還自飲非名又非利歌出易水寒琴  
下雍門淚出逢平樂舊言在天階侍問我從軍苦自陳

少年貴丈夫交四海徒論身自致漢將不封侯蘇卿還  
遠使今我終此曲此曲誠不易貴人難識心何由知忌  
諱

效古促促曲爲河上思婦作

促促何促促黃河九迴曲嫁與棹船郎空牀將影宿不  
道君心不如石那令妾貌長如玉

登夏州城觀送行人賦得六州胡兒歌

六州胡兒六蕃語十歲騎羊射沙鼠沙頭牧馬孤雁飛  
漢軍游騎貂錦衣雲中征戍三千里今日征行何歲歸  
無定河邊數株柳共送行人一杯酒胡兒起作六蕃歌  
齊唱嗚嗚盡垂手心知舊國西州遠西嚮胡天望鄉久  
回身忽作異方聲一聲回盡征人首蕃音塞曲自難分  
似說邊情向朔雲故國關山無限路風沙滿眼堪斷魂  
不見天邊青草塚古來愁殺漢昭君

夜上西城聽梁州

行人夜上西城宿聽唱梁州雙管逐此時秋月滿關山  
何處關山無此曲鴻雁新從北地來聞聲一半却飛回  
金河戍客腸應斷更在秋風百尺臺

近體詩

獻劉濟

草綠古燕州鶯聲引獨游雁歸天北畔春盡海西頭向  
日花偏落馳年水自流感恩知有地不上望京樓

送同落第者東歸

東門有行客落日滿前山  
聖代誰知者滄洲今獨還  
片雲歸海暮流水背城閑  
余亦依嵩頰松花深閉關

登長城

郭茂倩作塞下曲

漢家今上郡秦塞古長城  
有日雲長慘無風沙自驚  
當今聖天子不戰四夷平

同崔頌登鶴雀樓

鶴雀樓西百尺檣汀洲雲樹共茫茫  
漢家蕭鼓空流水魏國山河半夕陽  
事去千年猶恨速愁來一日即為長  
風烟併起思歸望遠目非春亦自傷

過馬嵬

金甲銀旌盡已回蒼茫羅袖隔風埃  
濃香猶自隨鸞輅恨魄無由離馬嵬  
南內真人悲帳殿東溟方士問蓬萊  
唯留坡畔彎環月時送殘輝入夜臺

送賈校書東歸寄振上人

北風吹雁數聲悲况指前林是別時  
秋草不堪頻送遠白雲何處更相期  
山隨匹馬行看暮路入寒城獨去遲  
為問東州故人道江淹已擬惠休書

過五原至飲馬泉

綠楊著水草如煙舊是胡兒飲馬泉  
幾處吹笳明月夜何人倚劍白雲天  
從來凍合關山路今日分流漢使前  
莫遣行人照容鬢恐驚憔悴入新年

鷓鴣詞

湘江斑竹枝錦翅鷓鴣飛處處湘雲合郎從何處歸

聽唱赤白桃李花

赤白桃李花先皇在時曲欲向西宮唱西宮宮樹綠

代人乞花

繡戶朝眠起開簾滿地花春風解人意吹落妾西家

宮怨

露濕晴花春殿香月明歌吹在朝陽似將海水添宮漏  
共滴長門一夜長

江南曲

一作韓翃詩

長落花枝雨點消江城日暮好相邀春樓不閉歲蕤鎖

綠水回連宛轉橋

汴河曲

汴水東流無限春隋家宮苑已成塵行人莫上長堤望  
風起楊花愁殺人

寫情

水紋珍簟思悠悠千里佳期一日休從此無心愛良夜  
任他明月下西樓

九月十日雨中過張伯雄期柳雄未至

柳吳興近無消息張長公貧苦寂寥惟有角巾霑雨至  
手持殘菊向西招

上汝州郡樓

李益  
于良史  
李宣遠

黃昏鼓角似邊州三十年前上此樓今日山川對垂淚  
傷心不獨爲悲秋

宿石邑山中

浮雲不共此山齊山靄蒼蒼望轉迷曉月暫飛高樹裏  
秋河隔在數峰西

避暑女冠

霧袖煙裙雲母冠碧琉璃簾井水寒焚香欲降三青鳥  
靜拂桐陰上玉壇

春夜聞笛

寒山吹笛望春歸遷客相看淚滿衣洞庭一夜無窮雁  
不待天明盡北飛

從軍北征

天山雪後海風寒橫笛偏吹行路難磧裡征人三十萬  
一時回首月中看

暖川

朔風凍合鷓鴣泉牧馬千群逐暖川塞外征行無盡日  
年年移帳雪中天

度破訥沙

眼見風來沙旋移經年不省草生時莫言塞北無春到  
總有春來何處知

破訥沙頭雁正飛鷓鴣泉上戰初歸平明日出東南地  
滿磧寒光生鐵衣



臨滹沱見蕃使列名

漠南春色到滹沱邊柳青青塞馬多萬里江山今不閉  
漢家頻許郅支和

夜宴觀石將軍舞

微月東南上戍樓琵琶起舞錦纏頭更聞橫笛關山遠  
白草胡沙西塞秋

聽曉角

一作王昌齡

邊霜昨夜隨關榆吹角當城片月孤無限塞鴻飛不度  
秋風吹入小單于

夜上受降城聞笛

回樂峰前沙似雪受降城上月如霜不知何處吹蘆管

一夜征人盡望鄉

嚴維

維字正文越州山陰人至德二載擢辭藻宏麗科  
辟河南幕府歷諸暨河南尉終秘書郎維與劉長卿善相倡和

徐獻忠曰維詩錯綜亦密時出俊語澄除涇渭亦可遠致如柳塘春水漫花塢夕陽遲又野燒明山郭寒更出縣樓又夜靜溪聲近庭寒月色深皆有自然之態神情疎暢自不可少

近體詩

晦日宴遊

嚴維

于良史

李宣遠

九

晦日漙裾俗春樓致酒時山公還已醉謝客舊能詩溪  
柳薰晴淺蠟花待閨遲爲邦久無事比屋自熙熙

九日陪崔郎中北山讌

上客南臺至重陽此會文菊芳寒露洗杯翠夕陽曛務  
簡人同醉溪閑鳥自群府中官最小唯有孟參軍

秋夜船行

扁舟時屬暝月上有餘輝海鷺秋還去漁人夜不歸中  
流何寂寂孤棹也依依一點前村火誰家未掩扉

荆溪館呈丘義興

失路荆溪上依人忽暝投長橋今夜月陽羨古時州野  
燒明山郭寒更出縣樓先生能館我無事五湖遊

同王徵君湘中有懷

八月洞庭秋瀟湘水北流還家萬里夢爲客五更愁不  
用看書帙偏宜上酒樓故人京洛滿何日復同遊

酬劉貞外見寄

時劉爲睦州司馬

蘇耽佐郡時近出白雲司藥補清羸疾惚吟絕妙詞柳  
塘春水漫花塢夕陽遲

歐陽詩話云天容時態融和駘蕩如在目前

欲識懷君意明

朝訪檝師

酬普選二上人期相會見寄

本意宿東林因聽子賤琴遙知大小朗已斷去來心夜  
靜溪聲近庭寒月色深寧知塵外意定後更成吟

送舍弟

疎懶吾成性才華爾自強早稱眉最白何事綬仍黃時  
暑嗟于邁家貧念聚糧祇應宵夢裏詩興屬池塘

送桃巖成上人歸本寺

長老歸緣起桃花憶舊巖清晨雲抱石深夜月籠杉道  
具門人捧齋糧谷鳥啣餘生願依止文字欲三緘

贈別劉長卿時赴河南嚴中丞幕府

早見登郎署同時即下僚幾年江路永今去國門遙文  
變騷人體官移漢帝朝望山吟度日接枕話通宵萬里  
趨公府孤帆限信潮匡時知己老聖代恥逃堯

九日登高

詩家九日憐芳菊遊客高齋瞰浙江漢浦浪花搖素壁

西陵樹色入秋牕木奴向熟懸金實桑落新開瀉玉缸  
四子醉時爭講德笑論黃霸屈為邦

送崔峒使往睦州兼寄薛司戶

如今相府用英髦獨往南州官告勞冰水近開漁浦出  
雪雲初卷定山高木奴花映桐廬縣青雀舟隨白鷺濤  
使者應須訪廉吏府中唯有范功曹

歲初喜皇甫侍御至

湖上新正逢故人情深應不笑家貧明朝別後門還掩  
修竹千竿一老身

重送新安劉員外

秋江渺渺水空波越客孤舟欲撈歌手折哀楊悲老大

故人零落已無多

裴度

度字中立河東聞喜人貞元初擢進士元和末爲宰相歷事四朝以全德始終與郭汾陽齊名其出討淮西過女几山下刻石題詩後果尅期平賊其詩云待平賊壘報天子莫指僊山示武夫由是淮蔡底平民安生業

唐趙璘云晉公貞元中作鑄劍戟爲農器賦觀其氣槩已有立殊勳致太平之意進士李爲作淚及輕薄暗小四賦李賀作樂府多屬意花草蜂蝶之間二子終不遠大文字之作可以定相命優劣矣

近體詩

中書即事

有意効承平無功答聖明灰心緣忍事霜鬢爲論兵道直身還在恩深命轉輕鹽梅非擬議葵藿是平生白日長懸照蒼蠅謾發聲嵩陽舊田地終使謝歸耕

傍水閒行

閑餘何處覺身輕暫脫朝衣傍水行鷗鳥亦知人意靜故來相近不相驚

于良史

良史爲張徐州建封從事每自吟曰出身三十年髮白衣猶碧日暮倚朱門從朱污袍赤建封因爲

奏章服焉官至侍御

高仲武云良史詩清雅工於形似如風兼殘雪起  
河帶斷水流吟之未終皎然在目

近體詩

春山夜月

春來多勝事賞翫夜忘歸掬水月在手弄花香滿衣興  
來無遠近欲去惜芳菲南望鐘鳴處樓臺深翠微

冬日寄李贊府

地際朝陽滿天邊宿霧收風兼殘雪起河帶斷水流北  
闕馳心極南圖尚旅遊登臨思不已何處得銷憂

閒居寄薛據

隱几讀黃老閒齋耳目清僻居人事少多病道心生兩  
洗山林濕鴉鳴池館晴晚來因廢卷行藥至西城

李宣遠

宣遠貞元進士登第

近體詩

并州路作

秋日并州路黃榆落照間孤城吹角罷數騎射鵬還帳  
幕遙臨水牛羊自下山征人正垂淚烽火起雲間

宋濟

濟德宗時不第後禮部上甲乙名

近體詩

東鄰美女歌

花暖江城斜日陰鶯啼繡戶曉雲深春風不道珠簾隔  
傳得歌聲與客心

和王七度玉門關上吹笛

羌人吹笛戍樓間樓上蕭條海月閒借問梅花何處落  
風吹一夜滿關山

何扶

扶太和九年及第明年捷三第

近體詩

送閬州妓人歸老

竹翠嬋娟草徑幽佳人歸老傍汀洲玉蟾露冷梁塵暗

金鳳花開雲髻秋十畝稻香新綠野一聲歌斷舊青樓  
芭蕉半捲西池雨日暮門前雙白鷗

宋邕

邕唐末五雲溪人范攄云邕初無令譽及嬰瞽疾  
而詩名始彰或戲其詩云綠楊宜向雨中看所謂  
無眼作有眼之詩

近體詩

春日

輕花細葉滿林端昨夜春風曉色寒黃鳥不堪愁裏聽  
綠楊宜向雨中看

趙光遠

光遠字里未詳

近體詩

題北里妓人壁

魚鑰獸環斜掩門  
萋萋芳草憶王孫  
醉凭青瑣窺韓壽  
閒擲金梭惱謝鯤  
不夜珠光連玉匣  
辟寒釵影落瑤尊  
欲知腸斷相思處  
役盡江淹別後魂

咏手

粧成皓腕洗凝脂  
背接紅巾掬水時  
薄霧袖中拈玉笋  
斜陽屏上撚青絲  
喚人急拍臨前檻  
摘杏高揜近曲池  
好是琵琶絃畔見  
細圓無節玉參差  
撚玉磋瓊軟復圓  
綠牕誰見上琴絃  
慢籠彩筆閒書字

斜指瑤堦笑打錢  
指甲試香添麝炷  
舌頭輕點貼金鈿  
象床珍簟宮碁處  
拈定文楸占角邊

鮑防

防字子慎襄州人  
天寶進士遷太原尹  
河東節度使  
德宗授工部尚書  
防尤工詩與謝良弼  
友善時號鮑謝

古體詩

雜感

漢家海內承平久  
萬國戎王皆稽首  
天馬嘗銜苜蓿花  
胡人歲獻蒲桃酒  
五月荔枝初破顏  
朝辭象郡夕函關  
雁飛不度桂陽嶺  
馬走先過林邑山  
甘泉御果垂仙閣

日暮無風香自落遠物皆重近皆輕雞雖有德不如鶴

劉商

商字子夏彭城人居長安工畫山水官至檢校禮部郎中

古體詩

銅雀妓

魏主矜蛾眉美人美於玉高樓無晝夜歌舞竟未足盛色如轉圜夕陽落深谷仍令身歿後尚縱平生慾紅粉橫淚痕調絃向空屋舉頭君不在唯見西陵木玉輦豈再來嬌鬟爲誰綠那堪秋風裏更舞陽春曲曲罷情不勝闌干向西哭臺邊生野草來去胷羅縠况復陵寢間

雙雙見麋鹿

秋夜聽嚴紳巴童唱竹枝歌

巴人遠從荆江客回首荆山楚雲隔思歸夜唱竹枝歌庭槐葉落秋風多曲中歷歷敘鄉思鄉思綿綿楚詞古身騎吳牛不畏虎手提篋笠欺風雨猿啼日暮江岬邊綠林連山水連天來時十三今十五一成新衣已再補鴻雁南飛報隣伍在家歡樂辭家苦天晴露白鐘漏遲淚痕滿面看竹枝曲終寒竹風裊裊西方日落東方曉

柳條歌送客

露井天桃春未到遲日猶寒柳開早高枝低枝飛鸝黃千條萬條覆宮牆幾回離別折欲盡一夜東風吹又長



甍甍拂人行不進依依送君無遠近青青去住隨柳條  
却寄來人以爲信

雜言同豆盧郎中郭南七里橋哀悼姚倉曹

橋邊足離別終日爲悲辛登橋因歎逝却羨別離人橋  
下東流水芳樹櫻桃蕊流水與潮回花落明年開可憐  
三語椽長作九泉灰宿昔懽遊在何處花前飲足求仙  
去

令狐楚

楚字慤士德棻之裔與李逢吉善元和末爲相敬  
宗逐李紳楚自宣武節度徙天平入爲左僕射子  
綯自湖州召入翰林爲學士間歲拜相渭南尉趙

嘏獻詩曰鶚在卿雲冰在壺代天才業奉訐謨榮  
同伊陟傳朱戶秀比王商入畫圖昨夜星辰回劍  
履前年風月滿江湖不知機務時多暇猶許詩家  
屬和無

近體詩

立春後言懷招汴州李庭衙推

閒齋夜擊唾壺歌試望夷門柰遠何每聽塞笳離夢斷  
時窺清鑑旅愁多稍驚宵漏丁丁促已覺春風習習和  
海內故人君最老花間鞭馬更相過

遊晉祠上李逢吉相公

不歷晉祠三十年白頭重到一淒然泉聲自昔鏘寒王

草色雖秋耀翠鈿少壯同遊寧有數尊榮再會便無緣  
相思臨水下雙淚寄入并汾向洛川

遠別離

玳織鴛鴦履金裝翡翠簪畏人相問着不擬到城南

遊春辭

一夜好風吹新花一萬枝風前調玉管花下簇金羈

長相思

君行登隴上妾夢在閨中玉筯千行落銀牀一半空  
綺席春眠覺紗窓曉望迷朦朧殘夢裏猶自在遼西

從軍行

荒鷄隔水啼汗馬向風嘶終日隨旌旆何時罷鼓鼙

却望冰河濶前登雪嶺高征人幾多在又擬戰臨洮  
胡風千里驚漢月五更明縱有還家夢猶聞出塞聲  
暮雪迷青海陰崖覆白山可憐班定遠生入玉門關

思君恩

小苑鶯歌歇長門蝶舞多眼看春又去翠輦不經過  
紫禁香如霧青天月似霜雲韶何處奏祇是在昭陽

少年行

少小邊城慣放狂驍騎蕃馬射黃羊如今年老無筋力  
猶倚營門數鴈行  
弓背霞明劍照霜秋風走馬出咸陽未收天子河湟地  
不擬回頭望故鄉

望春辭

高樓望見一花開，便覺春光四面來。  
暖日晴雲知次第，東風不用更相催。

長孫佐輔

佐輔朔方人，德宗時弟公輔為吉州刺史，佐輔往依焉。

古體詩

山居雨霽即事

結茅蒼嶺下，自與喧卑隔。  
况值雷雨晴，郊原轉岑寂。  
出門看反照，繞屋殘漏滴。  
古路絕人行，荒陂響螻蝻。  
籬崩瓜豆蔓，圃壞牛羊跡。  
斷續古祠鴉，高低遠村笛。  
喜聞東

臯潤欲往未通屐，杖策試危橋。  
攀蘿瞰苔壁，隣翁夜相訪。  
緩酌聊跂石，新月出汗罇。  
浮雲在中烏，常隳腐儒操。  
謬習經邦畫，有待時未知。  
非關慕沮溺。

關山月

淒淒還切切，戍客多離別。  
何處最傷心，關山見秋月。  
關月竟如何，由來遠近過。  
始經元菟塞，終繞白狼河。  
忽憶秦樓婦，流光應共有。  
已得並蛾眉，還知攬纖手。  
去歲照同行，比翼復連形。  
今宵照獨立，顧影自熒熒。  
餘輝漸西落，夜看如昨借。  
問映旌旗何如，鑒帷幙。  
拂曉朔風悲，蓬驚雁不飛。  
幾時征戍罷，還向月中歸。

隴西行

陰雲凝朔氣隴上正飛雪四月草不生北風勁如割朝  
來羽書急夜宿長城窟道隘行不前相呼抱鞍歇人寒  
指欲隨馬凍蹄亦裂射雁旋充饑斧冰還止渴寧辭解  
圍鬪但恐乘疲沒早晚邊候空歸來養羸骨

山行書事

日落風颺颺驅車行遠郊中心有所悲古墓穿黃茅茅  
中狐兔窠四面烏鳶巢鬼火時獨出人烟不相交行行  
近破村一徑欹還坳迎霜聽蟋蟀向月看蠨蛸翁喜客  
來坐客來羞廚庖濁醪誇潑螳時果仍新苞相勸對寒  
燈呼兒熟枯梢性朴頗近古其言無斗筭憂歡世上并  
歲月途中拋誰知問津客空作楊雄嘲

古宮怨

窓前好樹名玫瑰去年花落今年開無情春色尚識返  
君心忽斷何時來憶昔粧成候仙仗宮瑣玲瓏日新上  
拊心却笑西子頰掩鼻誰憂鄭姬謫草染文章衣下履  
花粘甲乙床前帳三千玉貌休自誇十二金釵獨相向  
盛衰傾奪欲何如嬌愛翻悲逐佞諛重遠豈能慙沼鵠  
棄前方見泣舩魚看籠不記薰籠腦詠扇空會禿鼠鬚  
始喜類蘿新託栢終傷如薺却甘茶院深獨開還獨閉  
鸚鵡驚飛苔覆地滿箱舊賜前日衣漬枕新垂夜來淚  
恨多開鏡照還悲綠髻青蛾尚未衰莫道新繰長絕比  
猶逢故劍會相追

尋山家

獨訪山家歇還涉茅屋斜連隔松葉主人聞語未開門  
繞籬野菜飛黃蝶

對鏡吟

憶昔逢君新納聘青銅鑄出千年鏡意憐光彩固無瑕  
義比恩情永相映每將鑒面兼鑒心鑒來不輟情逾深  
君非結心空結帶結處尚新恩已背開簾覽鏡悲難語  
對面相看孟門阻掩匣徒慙雙鳳飛懸臺欲効孤鸞舞  
粧成持照尚當時只畏愁多遽變衰昔日照來人共許  
今朝照罷自生疑鏡上有塵猶可拂君恩詎肯無迴時  
南中客舍對雨送故人歸北

猿聲啾啾雁聲苦卷簾相對愁不語幾年客吳君在楚  
况送君歸我猶阻家書作得不忍封北風吹斷堦前雨  
近體詩

代別後夢別

別中還夢別悲後更生悲覺夢俱千里追尋難再期翻  
思夢裏苦却恨覺來遲縱是非真事何妨夢會時

杭州秋日留別故友

相見又相別大江秋水深悲歡一世事去住兩鄉心浙  
瀝籬下葉淒清堦上琴獨隨孤棹去何處更同衾

別友人

愁多不忍醒時別想極還尋靜處行誰遣同衾又分手





